

Мемлекеттік тілді оқыту курстары оқытушыларын іріктеу бойынша конкурс туралы хабарландыру

Қазақстан Республикасының Ұлттық Банкі Алматы қалалық филиалы мемлекеттік тілді оқыту курстары оқытушыларын іріктеу бойынша конкурс жариялайды.

Конкурсқа қатысуға арналған құжаттар конкурстық іріктеуді жүргізу туралы хабарландыруды орналастырған күннен бастап 5 жұмыс күні бойы (2022 жылғы 19 қаңтардан бастап 2022 жылғы 25 қаңтар (қоса алғанда) аралығында) мына мекенжай бойынша: 050000, Алматы қ., Панфилов көш., 98, Қазақстан Республикасының Ұлттық Банкі Алматы қалалық филиалы, 302-каб. (Искалиев Роллан Омирович). Конкурсқа қатысушының кері мекенжайы көрсетілген (қолмен тапсырған немесе пошта арқылы жіберген) конвертте немесе [Iskaliev.R@nationalbank.kz](mailto:iskaliev.R@nationalbank.kz). электронды поштасы бойынша электронды түрде қабылданады.

Конкурсқа қатысушыларға қойылатын талаптар:

- «Оқыту қазақ тілінде жүргізілмейтін мектептердегі қазақ тілі мен әдебиеті», «Қазақ тілі мен әдебиеті» мамандықтары бойынша жоғары (жоғары оқу орнынан кейінгі) филологиялық немесе аталғандарға ұқсас мамандық бойынша білімі;

- қазақ тілін оқыту тәжірибесі 5 (бес) жылдан кем емес;

- ғылыми дәрежесі (құптарлық).

Қатысушыларды бағалау кезінде:

- Қазақстан Республикасының Конституциясын, «Қазақстан Республикасындағы тілдер туралы» Заңды, Қазақстан Республикасындағы тіл саясатын іске асырудың 2020-2025 жылдарға арналған мемлекеттік бағдарламасын, Қазақстан Республикасының барлық деңгейдегі «Қазақ тілін меңгерудің коммуникативтік тілдік құзыреттері» ұлттық стандарттарын, Қазтест қазақ тілін меңгеру деңгейін бағалау жүйесін білуі;

- тілдерді оқытудың заманауи инновациялық әдістері мен технологияларын меңгеруі ескеріледі.

Конкурсқа қатысу үшін ҚРҰБ орталық аппаратының мемлекеттік тілді оқыту курстары оқытушыларын іріктеу жөніндегі конкурстық комиссиясына келесі **құжаттарды** ұсыну қажет:

- конкурстық іріктеуге қатысушының түйіндемесі;

- жеке тұлғаның жеке басын куәландыратын құжаттардың көшірмелері;

- қазақ тілін оқыту тәжірибесінің кем дегенде 5 (бес) жылын растайтын құжаттардың көшірмелері;

- жоғары (жоғары оқу орнынан кейінгі) білімі туралы дипломдардың көшірмелері;

- кәсіби деңгейін растайтын өзге де құжаттардың көшірмелері (ұсынымдар, мінездемелер, сертификаттар, ғылыми дәрежесі және (немесе) атақтарының, наградасының, санатының, ғылыми жарияланымдарының болуы туралы құжаттар) (бар болса).

Құжаттар топтамасының толық ұсынылмауы конкурстық комиссияның оларды қараудан бас тартуына негіз болады.

Ұсынылған құжаттарды қарау қорытындылары бойынша конкурстық комиссия құжаттарды қабылдау мерзімі аяқталғаннан кейін 3 (үш) жұмыс күні ішінде конкурстық іріктеуге қатысушылардың құжаттарының белгіленген талаптарға сәйкестігі (сәйкес еместігі) туралы шешім қабылдайды.

Конкурстық комиссия шешім қабылдағаннан кейін конкурстық комиссияның хатшысы 2 (екі) жұмыс күні ішінде:

- кандидаттарды әңгімелесу өткізу күні және орны туралы;

- әңгімелесуге рұқсат беруден бас тарту алған конкурстық іріктеуге қатысушыларды конкурстық комиссияның шешімі туралы хабардар етеді.

Конкурс жеңімпазы конкурстық іріктеудің қорытындысы туралы конкурстық комиссияның шешімі жарияланған күннен бастап 5 (бес) жұмыс күні ішінде Тапсырыс берушіге:

- жоғары (жоғары оқу орнынан кейінгі) білімі туралы дипломның нотариат куәландырған көшірмесін;
- еңбек қызметін растайтын құжаттың нотариат куәландырған немесе жұмыс орны бойынша кадр қызметі растаған көшірмесін ұсынады.

Конкурс жеңімпазымен мемлекеттік тілді оқыту курстарын өткізу бойынша қызмет көрсету туралы шарты жасалады.

Байланыс деректері: Алматы қ., Панфилов көш., 98, Қазақстан Республикасының Ұлттық Банкі Алматы қалалық филиалы, 302-каб. (Искалиев Роллан Омирович), Iskatiev.R@nationalbank.kz.